

10

DEI
ET SUPERIORUM GRATIA!
**IDEAM BONI HI-
STORICI,**
In Academia Lipsiensi
proponit
PRO LOCO

*Apud Inclytam Facultatem Philosophicam conse-
quendo, prima vice disputatus*

M. CHRISTIANUS Weise/
Zittâ-Lusatus,
Ad d. 19. Dec. M DC LXVI.
H. L. Q. C.

LIPSIÆ,
Typis Viduæ HENNINGI COLERI.

SPLENDIDISSIMÆ
APUD ZITTA VIENSES FAMILIÆ,
QVÆ CONSPEC TAM HACTENUS
IN
MAGNIFICO HARTIGIO
VIRTUTEM,
FELICI OMINE,
IN
DNO JO. JACOBO AB HARTIG,
JCTO,
FLOREM AC JUVENTUTEM RECIPERE
IN
DN. JO. PHILIPPO STOLLIO
J. U. L.
NOVÆ LUCIS ACCESSIONE LUXURIARE
VIDET SIBI QVE MIRIFICE GRATULATUR,
STELLIS LUSATIAE,
SOLIBUS PATRIÆ,
~~SUAM~~ QVOQVE IN HOC SCHEDIASMATE
SPLENDOREM,
UNICE DEBERE AC REFERRE
CUPIT
VIRTUTUM SINE EXEMPLO
INDEFESSUS CULTOR
M. CHRISTIANUS Weise.

F. F.

Si De Historiarum laudibus prolixas
nec terem periodos, alienum facerem non à ma-
teria, certè tamen à scopo. Non enim istud à
me suscepsum est negotium, ut qvod communi
Eruditorum, alias inter se dissentientium, consen-
su jam probatum est, multis verborum ambagi-
bus illustrem; Sed potius ut in eo capite, ubi & diversa sentien-
di, & in utramq; partem disputandi sufficiens datur materia, cer-
tam eligerem sententiam, exquisitisq; recte statuendi rationibus,
virgulam censoriam, scriptoribus in hoc genere tantum non o-
mnibus adhicerem. Proinde præsuppono, nihil historia esse
utilius, nihil jucundius, nihil ad vitæ communis usum conducibi-
lius: Imo qvod primo dicendum erat, præsuppono, qui sint Hi-
storiæ, nimirum qui res inter homines gestas, ab ætatis nostræ
memoria aut remotas aut removendas aliquando, habita poste-
ritatis cura consignant, restes sunt temporum, lucem accendunt
veritati atq; propositis tanquam in scena & virtutum & vitiorum
exemplis, tacitas imo expressas bene beateq; vivendi regulas in
lectorum animis relinquent. Atq; si talia dixero, ultro se divi-
dunt Philosophi, qvibus lubitum fuit sub hoc titulo delitescere,
qvalis est Theophrastus & Dioscorides in historia Plantarum, Pli-
nius in historia mundi, noster etiam Aristoteles in historia anima-
lium, aliiq; complures. Soli enim sub nostram cadunt curam,
qui de actionibus humanis sunt solicii.

Quemadmodum autem, qvæ jam dicta sunt, facile credun-
tur ab omnibus: Ita ex adverso, qvæ de bonitate & æstimatione
historicorum proferri debent, majori implicantur & varietate &
difficultate. Sunt quidem in promptu regulæ, ad qvas se com-
ponat

ponat bonus historicus ; verum enim vero celeberrimos viros
in diversa & contraria abire iudicia manifestum est, præsertim si
de operibus jam confectis sententiam dicere jubeantur : Taciti
historiam quam Alciatus, sententias dixerat, Bodinus divinam ap-
pellat, & scriptorem, quem Tertullianus mendatisimum, Budæus
sceleratisimum vocant, Heinsius ocellum providentiae, corculum
sapientiae nominat. *Bodin. Meth. Hist. cap. 4, Mart. Zeil. Indice His-
tor. part. 2.p. 141.* Cromeri historiam Polonicam paucis aet accu-
tatis laudibus extollit Jesuita Possevinus. *Bibl. sel. lib. 16. cap. 43.* ita
tamen, ut contradicentem habeat eum Kekermanno Brunnerum
*Annalium Boicorum scriptorem. Keck. Comm. de nat. & propr. Hist.
p. 47. Brunn. lib. 10.* Notabile est, quod Possevinus de Gviciardino,
historiae Italicæ scriptore, adducit l.c. cap. 41. Thomas Porcarius
Italus, cuius judicium anno 1574. è typographia Angleriana egre-
di viderunt Venetiæ, omnes ei tribuit perfectiones, quas quidem
Plato in Philebo exposuisset: Lipsius vero, ubi eum vocasset inter
nostros summum Historicum, inter veteres mediocrem appellare
non dubitavit; Tandem quidam Joh. Baptista Leo, in suis de ejus-
dem historia considerationibus editis anno 1583. multa imo plu-
rima in ipso desiderat, quæ ad genuinæ laudis consummatio-
nem maximè spectant. Dubiam igitur ut ingrediar viam ne-
cessæ est: Jacienda tamen est alea, & si forte plurimis displicuero,
vel si rem acu non tetigero, sufficiet mihi, quod in optimam par-
tem inclinare voluerim. Nunc ipsam rem aggressurus, ut insti-
tuti ratio constet, Ideam Boni Historici tribus absolvam capiti-
bus, ita ut primo de structuræ historicæ materia, deinde de forma
interna, tandem de forma etiam externa breviter agam. Nam
de Adjunctis & Consequentibus aliud tempus, si vivam, me disfe-
rentem videbit.

C A P U T I.

§. I.

Herodotus
Thucydides.

Splendor decet Historicum, splendidum igitur & pulchrum.
initio eligat argumentum, quod sua dignitate attentionem;
Voluptate constantiam lectoris provocet. Atq; id est, cur
Dionysius Halicarnassæus Herodotum Thucydidi multum
præ-

præferre non ambigit. Iste nimirum de bello scripsérat nec honesto nec fortunato: Ille communem Græcorum ac barbarorum historiam varia permixtione pertexuerat, ut nihil præteriret, quod apud utrosq; admiratione dignum contigisset. Eadem ratione Platinam in historia valitum fuisse, testatur Erasmus, si nactus fuisset argumentum felicius: Scripsit autem vitas Pontificum, quæ interdum quantæ quantæ sunt, fabulæ sunt. Nec Lipsius dissimulat, Curtiu[m] majus ingenii documentum dare potuisse, si argumentum habuisset variam magis. Sola enim bella spiraverat Alexander.

§. II. Fieri tamen potest, ut alieni arbitrii stimulus potius, quam proprii ingenii libidinem seqvi cogatur historicus, id quod in aula versantibus sa[me]pe contingit: Dio Cassius Severi Imperatoris jussu historiarum libros confecit; Bonfinium ad rerum Hungaricarum Commentarios impulit Matthias Corvinus; Cardinalis Baronius in scribendo Martyrologio Autorem habuit Gregorium XIII. Pontificem; Osorii historiam Lusitanicam Henrico Cardinali postea Regi debemus; Meursii in historia Danica diligentiam Christianus IV. Rex provocavit, ut reliquos taceant.

§. III. Nihilominus ante omnia cavendum est, ne quæ scribenda suscipiuntur, vel sint odiosa; vel incerta. Quid enim possit odium, Huberti Thomæ Leodii exquisitissimum testatur exemplum. Is quia exposuerat, quibus fallaciis Hispani Electorem Fridericum II. circumvenissent, quomodo eum, nunc Infantis Hispanicæ, modo Gubernamenti Mediolanensis, mox splendidi in Regno Neapolitanô Conjugis frustranea spe lactatum, Gallicis, Hispanicis ac Italicis itineribus cum maximo periculo implicuissent; pudibundam ipsius Principis vellicabat memoriam, ut librum in Bibliotheca Heidelbergensi ab orbis eruditii aspectu delitescere juberet, donec tandem, si excipias Berneggerum, Lansium &c. qui eodem manuscripto usi sunt, deploranda Bibliothecæ dispersio in lucem publicam eduxit, Autorem istum, in quo invenit Germania, ut Galliæ non amplius invideat Cominæ. Adjungere huic possemus Franciscum Picum, cuius historia in Franc. hunc usq; diem suppressa fuit, non quod morte præventus ultimam manum imponere non potuerit, sed ut sentit Vossius, quod multa liberius inibi dicta fuerint.

A 3

§. IV.

Franc.
farius

Baronius

Paulus Ser-
vita

¶. IV. Neq; inulti scribunt, qvi hominum in se concitant
odio. Vindi&tam enim in Gallia expertus est Franciscus Rosarius,
cum anno 1580. eo ipso tempore, ubi ad occasum inclinante Va-
lesiorum progenie, Duces Guisii, percussis contra Henticum III.
fœderibus, regnum spe sua devoraverant, publici juris faceret
Ducum Lotharingiæ Genealogias à Carolo M. deductas. Liber
enim damnatus, Autor vix impetravit veniam, ea tamen lege, ut
publicè palinodiam caneret, crimenq; læsa Majestatis confite-
retur. Sic Baronius, qvod XI. tomo Annal. Regis Hispanici in
Regno Siculo potestatem, directo Pontificis dominio nimis sub-
jecisset, non solum scripta ista manu carnifícis Palermítani con-
cremata fuisse sensit, sed etiam cum post obitum Clementis VIII.
Pontificiam dignitatem facile potuisset indipisci, pro jure, qvod
Reges in conclavi sibi tribuunt, ab eodem Rege exclusus est.

¶. V. Atq; hinc Paulus Servita, homo Venetus, cum ferret
animus Concilii Tridentini historiam memoriarum prodere, & qvæ
Pontificum, qvæ Episcoporum, qvæ Gallorum & Hispanorum
principue in negotio præcedentiarum fuissent consilia, exponere, o-
dium melius à se non potait removere, qvam ut assumpto Petri
Savvis nomine, tanquam Apelles posttabulam latitans, aliorum
judicia liberius & securius exciperet.

¶. VI. Communius est stratagemma, in historiis præsertim
particularibus, ut dempto nomine rem exeqvantur; qvis enim
descripsit Catharinam Medicam in Gallia, qvis Donnam Olympi-
jam in Italia? qvis Cromwelum toties fatigavit? qvis Richelii
& Mazarinii ministeria, diligentia saepius repetita aliter atq; aliter
in publicum emisit? qvis vitas les Surintendants des Finances de
France Germaniarum nuper communicavit? Latent & latebunt illu-
stria, suā obscuritate nomina, nec cuiquam hujus scriptoris glo-
riolam nimis invidebunt.

¶. VII. Qvi tamen & hac via suæ fortunæ metuit, istalia
sub incudem revocet facinora, qvibus composito ad quietem
post fata livore, nec amor nec odium dominari videtur, missisq;
in antiquitatem oculis suæ timiditati consulat. Nam, ut ait Za-
charias Theobaldus in præfatione Belli Hussitici, istud historiarum fa-
tum est, ut libertius & tutius ea absolvantur, qvæ à nostra ætate
lon-

VI 2

longius absunt, quam ea, quārū nō s̄met ipsi restes esse possumus.

§. VIII. Quemadmodum autem odiosa periculum, ita incerta post se trahunt ludibrium. Id quod videmus in Polydoro Virgilio, qui ex Italia oriundus Pontificis in Anglia quæstor, sed rerum omnium in ista Republica expers, ejus tamen descriptionem aggredit ausus est: ut non immerito de ipso ludat O. wenus:

Virgilii duo sunt: alter Maro, tu Polydore
Alter: tu mendax, ille poëta fuit.

Sic etiam Barclajus id effugere non potuit: quippe quod in Icone animorum multa de Polonis scripsisset, vano aut incerto rume more ad se perlata, censorem habuit anonymum, cuius Poloniam defensam emisit officina Försteriana, quæ Dantisci est.

§. IX. Merito igitur Bodinus cap. 4. commendat Guicciardinum, quod in sua historia res Turcicas & Persicas prudens omiserit, ne de rebus parum sibi compertis remere affirmaret. Nec est cur Claudius Vergerius, in sua censione Autorum, Paulum Æmilium carpat, quod de oleo ad reges inungendos cœlitus demisso, deq; liliis praterire maluerit, quam ut sententiam suam milius interponere cogeretur. Melius profecto sibi consuluit, quam Andreas du Chesne in historia generali Angliæ, qui citante Limnæo Chesne scribit, oleum ad inungendum in auguratione Regem Angliæ, matrem Salvatoris S. Mariam attulisse. Nam quid magis incertum, quid magis incredibile esse potest, his fabulis?

§. X. Alia forsitan est ratio eorum, qui de sanatis à Regibus Galliæ strumis, de expulsis per Reges Hispaniæ cum signo crucis Dæmonibus; de curatis à Regibus Angliæ Elephantiacis imo quod facilius ad superiorem thesin rejici potest, de expeditis Galbutientibus per osculum Principis Austriaci, prolixa fecerunt verba. Certiorum enim præ se ferunt experientiam. Vide discursus fatus accuratum Limnæi 7. P. t. 4. l. 5. cap. 2. n. 8. & 9. p. m. 671. seq.

§. XI. Tandem nihil scribatur quod non sit honestum. Quo in genere Bodinus probat Tacitum, quod fœdissimas Principum libidines, à Suetonio nimis studiose annotatas, tacite prætermiserit; Magis vero invenitur in Lampridium, qui tot porten-

Polyd. Virg.

Barclajus

Guicciardini

Paul. Æ-

Andr. du

Chesne

Tacitus

Suetonius

Lampridius

Petrus Jarrigius.

ta novarum voluptatum ab Heliogabalo inventa describat, ut non
magis ea narrare, quam unicuique ad imitandum proponere videa-
tur. Imo si jam reyiviseret Bodinus, quid de Petro Jarrigo sen-
tiret, cuius Jesuita in ferali pugnate, tantas obscenitatum, sodomi-
carum & impuritatum formas omnium oculis objicit, ut vel lapi-
deus sit, qui sine scandalo actiones istas obliquo saltu lumine
lustrare possit. Fugiunt talia scelera lucem, lucem igitur eorum
quaque fugiat memoria.

CAPUT II.

§. I.

Sic de historiarum argumento certa stat sententia: altera nunc
de rerum gestarum varietate cura sit. Testis enim veritatis non
falsitatis est historia: Quare in censum nostrum venite non pos-
sunt, quae Xenophon de Cyro, Guevara in Horologio Princi-
pum de Antonino, Barclajus in Argenide de Poliarcho literis
mandarunt. Philosophica enim & Politica scripta sunt, quae soluta
quasi incedunt Poësi, nec multum ab iis discrepant, quae Homerus
de Achille & Ulyssse, Virgilius de Ænea ligato sermone compre-
henderunt. Multo minus locum hic reperiunt sculptores & pi-
ctores, quibus tamen Franciscus Patritius tantum videretur tribuere,
ut sola pictura Venetiis spectanda contentus credat Alexandrum
III. cervici Imperatoris Friderici Barbarossa insultasse. *Diol. 2.
de hist. def.*

§. II. Ipsa autem veritas deprehendi potest, si autor sit
bonae fidei, notusque apud suos. Nam quid tribuere possimus scri-
ptis anonymis, quae plerumque laborant affectibus, & sub suis lar-
vis, nescio quam dicendi arrogant libertatem?

§. III. Ipse Autor fidem melius testari nequit, quam si ad-
sint documenta in promptu, quae in lectorum animis excitent
credulitatem. Facilius credimus Jornandi in rebus Gothicis
scribenti, quam Zosimo, quippe is Græcus, ille Gothus ipse fuit.
Rectius assentimur Arngrimo Jonæ de Islandia differenti, quam
Blefkenio atque aliis, ipse enim fuit Islandus. Eadem ratione quis
fidem detrahere audeat Levvenclavio & Busbeqvio in Turcicis,
Herbersteinio atque Oleario in Muscoviticis? Ocularum enim præ-

sc

Xenophon,
Guevara
Barclajus

Jornandes
Zosimus
Arngrimus
Jonas.
Blefkenius
Levvencla-
vius,
Busbeqvius
Herberstei-
nius
Olearius,

se ferunt inspectionem. Sic Johannes Leo, qvī ut amphibium ali-Job, Leo, qvod se appellavit mox Granatensem mox Afrum, pro captu in-
colarum, apud qvos degeret, postqvam à piratis captus, Leoni X.
Pontifici in donum concessisset, Africæ descriptionem tam felici-
ter expedivit, ut ubique lectorem fiducia satis prompta detinere
videatur.

§. IV. His tuto accensere possis, qvorum industria in actis
publicis versata est, id qvod de Thuano atqve Gramondo, in re-
bus Gallicis, Cambdeno in Anglicis, Meursio in Danicis, vel nemi-
ne afferente, ipsa conjectura approbat. An autem eò referri possit
Sleidanus, penes qvem qvidem fuerunt acta Argentoratensis, vel Sleidanus
istud Dresseri, in Orat. de usu hist. dubitare jubet: Ex animo meo
(inquit) nunquam effluit vox Carlovicii. ejus qvi sapiens, qvi eru-
ditus à plerisq; habebatur & cognominabatur. Is qvoties men-
tio Sleidani commentariorum incidebat, fere cum gemitu qvo-
dam multa aliter commemorabat, qvam scriptor ille exposuit, af-
firmabatqve, se non solum interfuisse plerisq; conventibus Impe-
rii, & privatis communibusq; consultationibus, actionibus &
decretis, sed non nullis etiam p̄fuisse, ut fidem mereri ipsius ora-
tio jure videretur. Sic igitur de Sleidano dicebat, tanq; epiphō-
nemate qvodam narrationem claudens: Sleidani historia adi-
mit mihi fidem omnium superiorum historiarum. Nam qvæ hic
dicuntur pondus habent; tam facile non crederemus Florimondo
de Raimond Gallo, qvi narrat, Carolum V. in Sleidani libris un-
decim millia mendaciorum annotasse.

§. V. Est etiam in eo magna veritatis nota, si rerum qvas
ipsi non vidimus, idoneos testes adduçamus, qvod suo qvidem ar-
bitrio feliciter asscutus videtur Brachelius, qvi ut confirmaret
Cœlites Pragæ Patronos occupato à Reformatis templo, editis
cantilenis vindictam Dei implorasse, Carolum Caraffam Epi-
scopum Aversanum in testimonium adhibet. E contrario Alexan-
drum ab Alexandro valde carpit Voissius, qvod eorum unde pro-
fecisset, dissimulaverit autores. A qua culpa se qvoq; liberare
vix poterit Valerius Maximus, & cum ipso, qvi Valerium Maxi-
mum Christianum collegit Balthasar Exnerus.

B

§. VI.

Thuanus,
Gramondus
Cambdenus
Meursius

Brachelius
Alex. ab
Alex.
Valerius
Maximus
Baleh. Ex-
ne rus.

§. VI. Si verò Scriptores in ejusmodi rebus negligentia incurant crimen, qvæ sunt magis notoria, in reliquis fidem perdunt, qvemadmodum is, qui abscondito in decem fere literis initialibus nomine, non ita pridem edidit Phosphorum Austriacum, tanta oscitantia rem aggressus est, ut nesciret Infantis Hispanici nomen, versaretur tamen Lovanii, sub ipso Hispaniæ Regis domino. Nam in dedicatione exhibita anno 1665. d. 5. Augusti, nominat Philippum Prosperum, cuius mortem Hispania d. 1. Nov. 1661. jam deploravit, cuius erroris veniam nemo impetrare potest, nisi qui ab Hispanicis ditionibus remotissimus, primam Genealogiarum Ritteshusianarum editionem ab anno 1658. consuluit.

§. VII. Operæ pretium fuerit rem distinctius expendere, & à quibus scopulis veritati immineat periculum disquirere. Aut non officit secura credulitas, aut fascinum facit nimius amor, sive si in contrarium rui libitum fuerit, nimium odium, vel etiam linguae vinculum injicit conceptus in pectore metus, imo, quod securitati magis accenseri debet, in temporis, locorum, natalium, lingvarum, status Politici, aliarumq; historiarum ignorantia, qvæ non latent tenebra? Hinc Franciscus Patritius cum ista secum perpendebat. *Dial. 5. de Hist. ver.* parum aberat quin de omni fide desperaret.

§. VIII. Securitatis ut effugerent notam, celeberrimi laborarunt scriptores. Thucydides ut bellum cum Spartaniis gestum eò melius describeret. Marcellino teste, ipse eo profectus est. Diodorus Siculus, referente Whearo, triginta annos consumit, antequam peragratis regionibus, inspectis monumentis, multisq; tentatis, opus historicum absolveret. Aventinus, laudante Boxhornio, nihil nisi quod vetera testarentur monumenta, prodidit, in quem censem Gvicciardinus ac Cambdenus à Whearo quoque reponuntur. Est tamen ubi mentientes excusare debeamus, qvemadmodum Curtium de rebus Indicis scribentem, quippe quem debita veritatis documenta destituerant. Sed caveat sibi Baronius, ut putet sibi quoque relinqui istum veniam locum. Nam si credimus Casaubono, ut illustraret Pontifices, ex librīs apocryphis aut fabulosis scriptoribus, qvæ ipse non dubitavit esse falsa, congettūt.

§. IX.

¶. IX. Ipsa securitatis uater ignorantia est , qvæ sicut ad historiam varia requiruntur, ita etiam multiplici via incedit. Aut enim obscura est temporum mensuratio, qvæ si negligatur, quantum obesse possit vel Græcorum demonstrant historiz , qvæ ante Olympiadas adeo sunt confusæ, ut nisi haberemus sacra scripturam, actum foret de omni computu. Non quidem opus est, ut in omnibus minutis adeo simus curiosi. Parum enim refert, an urbis Venetæ originem rejiciamus in annum 421. aut cum Calvisio va- Calvisius,
riis argumentis statuamus annum 429. nisi quis more Petri Justi- Petr. Justi-
niani Reip. thema natalitium velit erigere , sed alia sunt majoris nus.
mortenti : inspiciamus exemplum , quo per mortem Elisabethæ
Anglicanæ , Angliæ regnum cum Scotia Magnæ Britanniæ titulo
coaluit, quidam qui Anglo more numerare solent, annum po-
nunt 1602. alii nostram secuti computationem 1603. non sine con-
fusione legentium. Taceo Thomam Lydiat , qui annum eligit Thomas Ly-
1575. Is enim in hoc tantum peccavit, ut eadem opera emenda-
ret tempora , & historias veteri mensuræ alligatas quasi, corrum-
peret.

¶. X. Accedit ad hoc incerta locorum notitia, quam in re-
bus Turcicis ac Persicis Paulo Jovi fortassis non immerito tri- Jovius.
buit Bodinus, conspirante Osorio, in historia Lusitana. Hinc etiam
tantum non omnes historici, cum ad rerum gestarum descriptio-
nem se accingunt primam in frontispicio operam collocant in ex-
ponenda regionis constitutione, situ ac felicitate, ubi velut in thea-
tro acta fuit fabula. Ut præterea Scytharum, Indorum, Æthio-
pum ac Americanorum historias, quas solis Geographis acceptas
referre debemus.

¶. XI. Nec est cur hic præter modum solicii simus de lo-
ci longitudine vel latitudine, quam quidem Cluverius in Italia pe-
destri itinere metiri conatus est. Talia enim non solum incerta sunt,
sicut Kircherus referente Conringio in epist. ad Bunonem, anno-
tavit, in assignando Romanæ Urbis situ quindecim Autores discre-
passe; sed etiam historias non explicant. Sufficit e. g. scire vallem,
Telinam, longam latamq; fossam esse in radicibus montium Alpi-
norum versus Italiā, facilemq; aditum aperire posse in Germaniā,
Sic jam intelligitur, cur Ludovicus XIII. tanto conatu Hispanos e-
duxerit.

duxerit. Satis est si designetur Alpium impenetrabilis ferè asperitas , arcisq; Susanæ præruptus situs, cuin historiæ produnt, qvam stupendo opere per Richelii consilia Civitas Mantuana ab exercitu Imperatoris fuerit liberata. Qvis, dum audit Mariam Angliæ Reginam occupato per Gvili dolum Caleto anno 1557. præ mortore triduanum continuasse jejunium , imo paulo post mortem obiisse, vel Ludovicum XIV. portum Dunkerkanum 15. auri tonnis nuper ab Anglis redemisse, qvis inqvam plura reqvirat, qvam Portus istos esse ad occupandum ex utraque parte Canalis dominium , imo ad perterritandam pro libitu Galliam accommodatissimos.

Tacitus

§. XII. Sed qvanta in eo posita vis est, ut Gentium natales, affinitates & cognationes expiscemur. Omnes enim tam placide tolerandi non sunt, qvam Tacitus forte, ubi Judæos qvæ ab Ida monte progressos Idæos appellat. Qvis qvæso Galliam superiori seculo in sua viscera sævientem describat, nisi qvi ad unguem Valefiorum & Borboniorum in morte Ludovici IX. divisam progeniem noverit. Qvis Angliæ Regis in Franciam prætensiones, è suis eruat originibus, qvi Eduardi III. cum Philippo Valefio & Henrici VI. cum Carolo VII. nesciat controversiam? Qvis impetratas à domo Austriaca per mera matrimonia divitias sine hoc lumine possit perlustrare ? Rohanæus profecto, cum descripturus nō interesse Principum, ad negotium Juliacense delabitur, insigni confusione Domus Saxonizæ Justitiam in nescio qva fundat affinitate. Et si aliquis tanq; in compendio variaz permixtionis exemplum capere velit , Historiam Danicam post insignis illius Margarethæ excessum hauriat ex Munsteri Cosmographia, Petri Bertii Genealogia, imo ex Lucæ de Linda Lumine orbis, cuius Interpres Germanicus tam fuit infelix, ut non observaret erratum in Latino Exemplari typographicum & Margaretham cum Woldemaro III. Parentein conjugium mitteret.

Munsterus
Bertius
Lucas de Lin-
da

Stabius

§. XIII. Sed hic opus non est , ut in remotissimam antiquitatem anxie nimis inquiramus, sicut fecisse videmus Johannem Stabium, qvi Maximiliani I. Imp. impulsu, collapsas & obfuscatas genealogias restituturus, Austriacam gentem à Noacho, per Chamum paternis diris devotum ad Scythas & tandem ad Francos dedu-

deduxit. A q̄o parum absunt, q̄i notante Limnæo Ascaniæ Principes ab Ascena filio Gomeri, nepote Japeti, pronepote Noahi, per incertas ad dubias successiones derivare conantur. Modum etiam transiliisse patet Autorem, cuius de statu perturbato Franciæ Discursus lectoribus Germanicis obtulit Sigism. Sigism. Frey-
Freyberger. Is enim omnia in Richelio præter morem historiæ berger.
admiratus, ejus q̄' oq; progeniem à Ludovico Crasso Galliæ, &
Henrico II. Angliæ regibus, nescio q̄va affinitatum & matrimo-
niorum prolixitate numerat. Merito tamen, summis afficien-
dus laudibus Magnus ille Nicolaus Rittershusius, cuius Genealo- Rittershusius
gicum opus illustrandis historicis vel solum sufficit, si ex Albizio Albizius
& Limnæo pauca qvædam suppleveris, de Capeti Gallici & Piaſti Limnæus
Polonici successionibus, item de cognatione Sabaudorum, q̄va
prætendunt in regnum Cypri, nec non de Ducibus Pomeraniæ ac
Stetini, & qvod p̄cipue monendum est, de agnatione stirpis Sa-
xo-Lauenburgiæ cum familiis Anhaltinis, ubi cum incipere de-
buisset ab Alberto I. Saxoniæ Electore, ejus abnepotem primo
loco ponit, ita ut obfcura maneat historia præteriti in capessendo
Electoratu Etici V. Sed qvis huic adjungere nolit Reusnerum, cu- Reusnerus
jus steinma Widelindæum tantam, nobis p̄cipue, qvi sub ruta
Saxonica delitescimus, prætulit lucem, ut in Serenissimo Electore,
splendidissimos ejusdem sanguinis veneremur Agnatos, Regem
Galliarum, Regem Daniæ & Ducem Sabaudiæ.

§. XIV. At bone Deus, qvæ errorum colluvies, si lingua-
rum absit peritia. Posito enim frustra objici Baronio Hebraici Baronius
Idiomatis ignorantiam, qvippe qvod in explicandis Pontificum Plutarchus
vitis parum lucis afferre potuisset: non tamen immerito Bodinus
in Plutatcho & Diodoro, scriptoribus alias laudatissimis, latinæ
linguæ pleniorem desiderat notitiam; nec forte abs re est, qvod
Floridus Sabinus in *Apolog. adversus Lingg. column.* Volaterano in Volateranus
lingua Græca vel paeriles lapsus ostenderit. Præ cæteris tamen
commendandus est Olearius, qvi Persici regni statum describere Olearius
nefas duxit, anteqvam Persatum linguam sibi reddidisset fami-
liarem.

§. XV. An vero historiarum ab aliis consignatarum plane
expers esse potest historicus? Affirment ii, qvibus pulchrum vi-

Plutarchus videtur à Plutarcho Agesilau[m] comparatum fuisse Pompejo, muscam Elephanti, nisi hæc est similitudo, quod uterq[ue] Patriæ libertatem in agone videt. Bodinus certe Sabellicum parum commendat, qui q[uo]niam Venetos cum Romanis conferre non dubitaverat, risum lectoris potius quam admirationem excitavit. Nam quæ ejus temporis bellandi consuetudo vigebat in Italia, ubi notante Machiavello, Hist. Flor. unus equus caput aut eaudam movendo hostibus terrorem incutere poterat. Imo, ut memorat Justinianus, ubi captis equitum tribus millibus, peditum millibus, quatuor omnino cæsi, vulnerati triginta fuerunt; iterum cum quatuor aliquando horas durasset pugna, nullus occubuit, præter equitem, qui equo excussus & contritus animam efflavit. Hæc ne igitur vel cum Romanorum yelitationibus comparanda sunt?

Thuanus

§. XVI. Unum adhuc restat, quod omnino negligendum non est. Reipublicæ circumspæcta scientia, quis gentium sit status, quæ leges, quæ arcana, quæ potentia, in quarum historiam expandi lubitum est, cuius rei exemplum suppeditat Thuanus lib. 2. qui perscripturus Germaniæ turbas, ejus initio constitutionem, satis prolixe exponit, ita tamen ut cognoscere possis ab homine exterо prodiisse opus. Nam cum historici munus sit, ad rerum causas ascendere, & de habitis consiliis ex eventu judicare. Reip. expers esse non potest. Eadem delicti species videtur, cum Dux Aurelianensis & Condæus Regi Galliæ se opponunt; Fridericus Palatinus cum multis Germaniæ Principibus Imperatori contrariatur; Lubomirskius Regi Poloniæ turbas facit. Sed qui cognitum habet, Galliæ formam esse Monarchicam, Germaniæ Monarchico-Aristocraticam, Poloniæ mere Aristocraticam, facile deprehendit discrimen non exiguum.

Cæsar

§. XVII. Egi de iis in quas imperium habet vel Securitas vel Ignorantia, nunc quoque ad eos accedamus, qui affectuum impietu concitati, ipsam invertere veritatem pro laude habent. Quos non excusat amor nimius, quos non seducit adulatio? Facile profecto non crediderim Cæsari in commentariis de se ipso scriptis, nisi cum Bodino tentire velim, metuendum fuisse infamie crimen, quod mentiturus apud suos hostes facile potuisset incurrere. Pari passu

passu ambulat Blasius de Montluc. Francia Mareschallus , qvi ne Bl. de Mont-
posteritati eriperetur rerum à se gestarum memoria , descriptio luc.
nem ipse suscepit. Cui addi potest jure merito Anna Comnenia, Anna Com-
qvæ Alexii Comneni Constantiopolitani Imperatoris res gestas nena
contexuit, & filia Parentem ornavit. Rara verò avis est , qvæ, ut
Whearus Salustium laudavit, fugiendæ adulatio[n]is exempla sup- Salustius
peditare queat: Sunt potius qvi ad istam amplexandam submini-
strent stimulos, id qvod deprehendimus apud Bodinum, qvī cum Bodinus
Reip. Venetæ historicos omnes eodem morbo laborare affirmat,
ut meliori in patriam sint animo, qvam in reliqvas gentes , addit
hanc parenthesin , si morbus est suorum popularium dignitatem
honesto mendacio tueri.

§. XVIII. Sed amor placide impugnat veritatem , fortius
adversatur odium. Hinc quoties Ethnici de Judæis & Christianis,
Pontificii de Lutheranis, uno verbo, hostes de hostibus historiam
texunt, tantopere se exercent odia, ut vel ad causas privatas dilabi
nullus sit pudor. A quo tamen vitio liberandus videtur Emanuel
Meteranus, qvem quidem Aubertus Miræus in factis Belgicis men- Meteranus
daciſſimum belli Belgici scriptorem vocat ; & Joh. Baptista Beri- Berigo
go, cuius ex Italica lingua versionem Germanicam annus 1653. pri-
mo vidi, cum titulo die grosse Veränderung von Portugall. His
enim tacentibus, Hispanieæ dominationis durities manifesta est.

§. XIX. Istud tamen pro certa veritatis nota velim habe-
re, cum amandi vituperantur, odio proseqvendi laudantur. Talia
enim nemo suscipit , nisi qvem apertissima eo adigat certitudo.
Gucciardinum Leo X. Pontifex valde otnaverat , sed is vitia ejus- Guicciardina
dem non dissimulat: credimus igitur scribenti. Thucydides à Peri- Thucydides
cle in exilium actus fuerat, sed ejus landes maxima fide persequi-
tur. Josephus Judæus honorifice de Christo loquitur : Florus Josephus
Germanicus, cuius Autorem præsentissimum nominis Lutherani Florus Ger-
hostem nominare possit, cum Regem Sveciæ commendat, fidem manicus
invenit. Ipse Thuanus melioris historici notas explere melius non
potuit, qvam si nec Pontificiorum vitia, nec Hugonottarum virtu-
tes dissimularet. Ante omnia verò mirari satis non possum nimi-
am Jesuitæ Poslevini stultitiam, qvi multos historicos ex nullo alio Poslevius

capite rejicit, quam quod Lutheri sive Lutheranorum honorificari fecissent mentionem.

¶. XX. Bonum quoque Bodini consilia non est, statuentis inter duos scriptores contrarios tertium eligendum esse, qui media quasi incedat via. Additque coaspicua Philippi Cominæi, Jacobi Meieri, & Pauli Æmili exempla, Cominæus, quem Ludovicus XI. variis beneficiis affecerat, ejus quoque laudes pleno ote decantat: Mejerus contra Ludovicum tyrannum, Cominæum patriæ proditorem ac transfugam appellat. Æmilius vero homo Italus, neocodi vel amoris Gallo-Belgici particeps, prudenter ac moderatè inter utrumq; tanquam in æquilibrio versatur.

¶. XXI. Sed aliud quoque vinculum est, quod scribentium calamis sufflaminare solet, nimius videlicet metus, qui multos ita occupat, ut historias non in gratiam posteritatis, sed ad voluntatem viventium componi debere sibi persuadeant. Nam pauci Buchananos similes sunt, qui nihil in historia mutare voluit vel deprecante ipso rege: sed potius exprimitur infamia Famiani Stradæ, qui exhibitus belli Belgici statum, tam honestè loquitur de Inquisitione, malorum omnium lerna, ut qui alias nesciat quid sit inquisitio, ex Strada nunquam sit apprehensurus. Miraritamen nemo debet, cur qui Phosphorum Austriacum edidit, hunc Autorem in historia Inquisitionis tantopere commendet. Eodem enim laboravit vitio. Atque ista qui secum reputet, inveniat facile, non solum antiquitatem, sed nimiam quoque novitatem historias reddere posse fabulosas.

CAPUT II.

¶. I. Spectandam dedi historiæ formam internam, videamus nunc externam. Debitis enim coloribus tanta rerum varietas exornanda est, ut formam nançiscatur lectoribus gratam ac jucundam. Istud autem pulchrius effici non potest, quam si debitus ordo adhibetur, ne, quod evitavit Livius, nimia varietas in confusionem prolabatur.

¶. II. Sciat igitur, quæ initio, quæ in fine sint collocanda, & in historiis præsertim universalibus, quantum ego quidem judi-

Cominæus
Mejerus
Æmilius

Buchananus
Strada

Livius

judicare possum , temporis potius , qvam rerum inter se distin-
ctarum observet ordinem , qm admodum in Thuanio , Slei-
dano , Gramondo , Brachelio , &c. conspicimus , Gallia Germanis ,
Hispanica Italicis . Cimbrica Polonicis subinde esse permixta , sicut
eadem unum tempus conjungere voluit.

§. III. Nunquam profecto eò perduci me patiar , ut qvi
infeliciter imitatus est Florum Latinum Florus Germanicus , sua Florus Ger-
mihi placeat dispositione , ubi omnia nimis curiosè ordinaturus , manicus
in majorem incidit confusionem . Cur enim Bohemicum bel-
lum divideret à Lusatiko , Austriacum à Moravico , cur ab iis se-
pararet motus Transylvaniæ , cur peculiari capite tractaret turbas
Palatinas & Mansfeldenses , cum tamen ista omnia ex eadem ori-
gine non solum profluxerint , sed eodem tempore & iisdem ferè
personis acta fuerint .

§. IV. Alia etiam est cautio , qvam adhibere ipsa jubet
necessitas , ne videlicet ea omittantur , qvæ prolixam reqvirunt Grotius
narrationem , qvo vitio laborant Hugonis Grotii annales , ubi di-
reptiones Antverpienses , horrendissima illa sævitia Hispænicæ e-
xempla , perfundoriet saltē & plus qvam frigidè attinguntur .
Laudandus vero Dionysius Halicarnassens . qvi , qvod ea qvæ La- Dionysius
tini qvæsi pervulgata neglexerant , puta sacrificia , ludos , triumphos , Halicarnassæ ,
Magistratum insignia , tum universam in gubernanda Rep. Ro-
manorū disciplinam , censem , auspicia , comitia , totiusq; populi dif-
ficilem in tribus ac classes partitionem , Senatus autoritatem , jussa
plebis , Magistratum Imperia . populi potestatem , aliaq; accura-
tissimè descriptis , magnam posteritati lucem prætulit . Nam qvæ
Reip. nota sunt , exteris statim nota ac vulgaria esse non pos-
sunt .

§. V. Sed in iis , qvæ caput rei parum tangere videntur ,
pressior ac brevior sit scribentis oratio , qvod an ubiq; attenderit
Guicciardinus , minutissimorum accuratus observator , multi du-
bitant . Sunt etiam qvæ optimo jure prætermittantur silentio .
Nam quid refert scire , quando Principes operam dederint vena-
tionibus , coluerint spectacula &c. talia enim in aulis aliter con-
tingere non possunt , nec nova sunt . Plane autem ridiculi sunt

C

Col-

Colmarienses Dominicanī, qvi in suis Annalibus ne Gallinas qvi-
dem cum suis ovis præterire potuerunt.

§. VI. Dispositionem genuina excipiat sermonis pul-
chritudo, potiusq; efformetur Herodotus qvam Thucydides. Ser-
monis vero prima virtus est puritas, qvæ tamen ad qvasvis voces
non est extendenda, qvemadmodum Paulus Æmilius nimio ve-
tustatis amore, qvæ ab usu & consuetudine immutata fuerant,
obsoletis nominibus ad obscuritatem usq; exprimere voluit, e.g.
Regem Arragoniæ, Tarraconensem, Castellæ, Castulonensem,
Ducem Geldriæ, Gelbudensem, titulis vix antiquitati notis dixit.
Eodem flumine navigavit Bembus, qvi præ nimia anxietate Im-
peratorem Turicum Regem Thraciæ, Ducem Mediolensem In-
subriæ Regem vocavit. Imo sunt qvi Thuano id tribuant, per-
duxisse eum nomina Belgica ad Gallicam facilitatem, ita tamen ut
a Belgis læpius non fuerit intellectus.

§. VII. Altera virtus est perspicua brevitas, qvam in Cro-
mero & Crusio ob prolixas digressiones desiderat Keckerman-
nus, nec abludit & vero, qvod Bodinus in Jovio carpit, qvi prolixa
oratione Selimi crudelitatem ad nauseam usq; depinxerat, cum
tamen idem efficere potuisset, si tres Bassos, fide & affinitate con-
junctos, duos fratres, quinque fratum liberos, imo ipsum Pa-
rentem senio jam consecutum, ab eodem necatos simplici stilo
ostendisset.

§. VIII. Tertia virtus est Ornatus, non ut aliquis cum Pe-
tro Bembo superstitione religione Ciceronem efformet. Nam
qvi floridum dicendi genus consequantur, & nimio sæpe mundo
student, non raro ab immundo propius absunt, qvod Christo-
phori Crusii est judicium, de scriptoribus ex Oriente progressis,
referente Whearo. Sed is ornatè scripsisse dicitur, qvi verborum
& sententiarum delectu instructus sibi semper est similis, facilem-
qve cujusvis Eruditi invenit intellectum. Proinde hic commendari
non potest. M. A. Sabellicus, de quo sinistra satis Erasmi ac Ludo-
vici Vivis judicia. Ille enim in Ciceronianò ait, versatum fuisse
in historia sat splendide, sed in hac tantum, qvæ suum dicendi ge-
nus desideraret. Hic ait, illum fluere plenum, sed luculentum
qvan-

Herodotus
Thucydides
Æmilius

Bembus

Thuano

Cromerus
Crusius
Jovius

Bembus

Sabellicus

qvandoque ac similem ei autori, à qvo res desumat, ut colore
videatur mutare cum solo , per qvod omnino tanquam fluvius
decurrat,

s. IX. Restant aliquid de judicio Historicorum, quæ quia
nostrum brevitatis studium nimia prolixitate distrahere posse vi-
dentur, alio reassumenda tempore se ponuntur. Concludo igitur
h. l. verbis Degorei VVheari , Prælectoris Cambdeniani in Aca-
demia Oxoniensi. Cum in pulcherrimæ alicujus puellæ corpore,
si qvid nævi occurrat inspectanti facile condonetur: Cur non pau-
culos qvosdam ertores, in concinno alioquin utilique opere non
promptè Autori ignoscamus ?

COROLLARIA.

1. Copula non est pars propositionis.
2. Pie creditur, nec impiè rejicitur, Cicadas in Ca-
labria jussu Apostoli Pauli obmutuisse.
3. Incredibile est, qvod Procopius dicit. Cinerem
Vesuvii Byzantium usq; per ventos fuisse
dispersum. lib. 2 de bell. Gts.
4. Princeps non potest puniri.
5. Duo sunt exempla Regum publico supplicio af-
fectorum, Conradini in Sicilia & Caroli I. nu-
per in Anglia, ast eorum diversa est Justitia
& Injustitia.

7. Bo-

6. Ducis titulus in Germania Principis nomine su.
perior, in Gallia inferior est.
7. Bohemia Germianiæ pars est.
8. Rutam in insignibus hodiernis, Saxoniæ Ducibus
concessit Sigismundus Imp.
9. Pontificatum in summo fastigio vidit Julius II.

S. D. G.

